

Kōbojak ñan im wewein Kōmadmōd Novel Coronavirus (COVID-19) einwot am jinen, jemen, ak baamle eo an juon ajiri ewor an Utamwe

Kōmman jen ibben:



Aoleb lal ko rej kōmmani wewein kōmadmōd ko ñan nanninmij in ejmour ej kab walok im etannin 2019 Novel Coronavirus (COVID-19). Ñan wewein kōmadmōd jorren in, [emoj an Governor Kate Brown kili jikuul ko ilo Oregon jino jen Mande, Maaj 16 ñan Tuje, Abrol 28](#). An kilōk jikuul ko enaj kōmman abañ ko relab, bōtab ej kōl eo emmontata ñan kadriklok an ajeded nanninmij in, kadriklok joñan ad leto letak, im kejbarok mour ko an armij in Oregon. Kejbarok, ejmour, im ainemmon eo an rijikuul ro, baamle ko aer, im jukjukin bed ko an jikuul ko amim ej jermal eo aurok tata ibbemim.

Melele kin Coronavirus (COVID-19)

Ekkar ñan [obji eo an Centers for Disease Control](#) (CDC), Novel Coronavirus (COVID-19) ej juon nanninmij in emenono ej walok jen juon kij kaal, im kōkkaale in nanninmij eo ekoba biba, bokbok, im kajjinok, im emaron jino walok kōtaan ruo lok ñan 14 raan alikin am naj bōke. Lale [beij in an CDC ewor jidrik melele mool ko kin COVID-19](#) im [ewor melele ko relablok ilo beij eo an CDC kin wewein bōbrae jen COVID-19](#).

Ta eo Jinen im Jemen Ajiri ro Rej Aikuj Jela:

- Wewein kōmadmōd kij in emōkaj an wōr oktak im ej boktok kajitok ko jejab jela uaakier, im mennin ekōmman ad aikuj katte joñan ad maron bōk melele ko rekaal kin jemlok ko rej kōmmani bwe jen maron kejbarok jukjukin bed ko ad. Jet jemlok ko rej kōmman jen ibben kien eo an federal, jet rej kōmman jen state emaron jen Governor eo ak Ra eo an Jelalokjen, im jet rej kōmman jen bukon in jikuul eo am.

Jemlok eo jinoin ikijen an kilōk jikuul ear itok jen Governor eo, bōtab elōñ jemlok ko (einwot kadruojlok, kauñuñ kredit, wonmaanlok an kilōk, im men ko jet) *remaron* kōmman jen bukon eo am. Im kin mennin, loloorjak am maron ebōk melele jen bukon eo am bwe kwon jela kin melele ko rekaal tata. Ewor melele in kebaak bukon eo [ijin](#).

Ilo ien eo enaj kilōk jikuul, jikuul ko an kien renaj wonmaanlok in lelok jiban in katak ko jet im jiban ko ikijen katak ñan joñan eo remaron, lelok mona in jikuul ilo jekjek ko ebañ kakoba elōñ armij, im kōmman bebe kin makitkit ko jet raurok an jikuul im ejab ikijen katak, ekoba jiban ko ikijen mona.

- Ra in Jelalokjen eo an Oregon ej jermal in lelok melele in kajinet im jiban ñan bukon ko an jikuul ilo ien amim lale jekjekin jebed ie ibben doon, im emoj lelok [FAQ in](#) ñan bukon ko. Ñan kōmelele, ilo ien an ajiri eo nejum wonmaanlok in wor an maron in bōk Jelalokjen in Kien eo Ekkar im Ejellok Wonnen (FAPE), ilo ien an kilōk jikuul ñan aoleb rijikuul, rebañ lelok jiban ko ikijen jelalokjen ko rej make wot (special education). Mennin [FAQ an Jinen im Jemen](#) ej lewaj melele ko relablok.
- Jekjekin emaron kōmman mennin am lōmnak kwoj make iam, ak ejab kwe wot kwoj lōmnak rot in. Elōñ droulul ko, ekoba [FACT Oregon](#), rej kōmadmōd in lelok jermal in jiban ko ilo website, webinar ko, im social media. [Beba in laajrak jermal in jiban ko](#) ej lewaj melele ko relablok.